

Na osnovu Zakona o finansiranju institucija Bosne i Hercegovine („Službeni glasnik BiH“ br. 61/04 i 49/09), a u skladu sa Zakonom o javnim nabavkama Bosne i Hercegovine („Službeni glasnik BiH“ broj 49/04, 19/05, 52/05, 92/05, 24/06, i 70/06), Ministarstvo finansija i trezora BiH sačinilo je tender:

TENDER BROJ 01-08-02-1-2523-2/11
OTVORENI POSTUPAK JAVNE NABAVKE USLUGA
kratkoročno oročavanje sredstava koja se nalaze na Jedinostvenom računu
trezora a koja u datom trenutku nisu potrebna za budžetske namjene

1. Poziv na tender:

Referentni broj nabavke 01-08-02-1-2523-2/11

Ovim pozivom na tender, koji se objavljuje nakon što je Obavještenje o javnoj nabavci objavljeno u: “Službeni glasnik BiH”, broj 25/11 dana 04.04.2011. godine, od strane Ugovornog organa – Bosna i Hercegovina, Ministarstvo finansija i trezora, pozivate se da dostavite ponudu u Otvorenom postupku javne nabavke usluga – Kratkoročno oročavanje sredstava koja se nalaze na Jedinostvenom računu trezora a koja u datom trenutku nisu potrebna za budžetske namjene.

2. Informacije o Ugovornom organu:

Ugovorni organ:	Bosna i Hercegovina
Ministarstvo:	Ministarstvo finansija i trezora
Adresa:	Trg Bosne i Hercegovine 1. 71000 Sarajevo
Identifikacioni broj:	4200308360001
Telefon:	033/ 703 108
Faks:	033/ 703 145
E-mail:	jsekara@trezorbih.gov.ba
Web-stranica:	www.trezorbih.gov.ba

Osoba/osobe koje su ovlaštene voditi komunikaciju u ime Ugovornog organa sa ponuđačima: Jelena Šekara, tel. 033/ 703 108, e-mail: jsekara@trezorbih.gov.ba

3. Opće informacije u vezi sa postupkom:

3.1. Pojmovi koji se koriste u tenderskoj dokumentaciji:

“**Ugovorni organ**” – Bosna i Hercegovina, Ministarstvo finansija i trezora.

“**Banka**” – u smislu ove tenderske dokumentacije svaki je privredni subjekat ili pravna osoba ili bilo koja grupa tih osoba koja na tržištu nudi tražene usluge i koja je predala ponudu u skladu sa tenderskom dokumentacijom.

“**Ovlaštene osobe/osoba**” – osobe/osoba koje je Ugovorni organ ovlastio da djeluje u njegovo ime i osobe/osoba koja ima punomoć djelovati u ime Banke.

“**TD**” – ova tenderska dokumentacija.

“**Postupak nabavke**” – postupak koji provodi Ugovorni organ na osnovu ove tenderske dokumentacije.

- 3.2. Ugovori se dodjeljuju bankama (tri banke) koje su dostavile najbolje ocijenjene prihvatljive ponude.
- 3.4. Ugovorni organ može poništiti postupak nabavke iz jednog od sljedećih razloga:
 - 1) nijedna ponuda nije dostavljena u određenom roku,
 - 2) nijedna od primljenih ponuda nije prihvatljiva,
 - 3) broj primljenih prihvatljivih ponuda je manji od tri (3) i ne osigurava stvarnu konkurenciju za konkretni ugovor,
 - 4) broj kvalifikovanih kandidata je manji od tri (3) i ne osigurava stvarnu konkurenciju za planirani ugovor,
 - 5) zbog drugih dokazivih razloga koji su van kontrole Ugovornog organa i nisu se mogli predvidjeti u vrijeme pokretanja postupka dodjele ugovora.

4. Vrsta postupka:

Otvoreni postupak – nabavka usluga.

5. Predmet javne nabavke:

- 5.1. Pružanje usluga kratkoročnog oročenja javnih sredstava koja se nalaze na Jedinstvenom računu trezora a koja nisu u datom trenutku potrebna za budžetske namjene
- 5.2. Bankama nije dozvoljeno dostavljanje alternativnih ponuda.
- 5.3. Bankama nije dozvoljeno sklapanje podugovora s trećim osobama.
- 5.4. Banka je dužna pripremiti ponudu u skladu sa kriterijima koji su postavljeni u ovom TD-u, a ista će biti odbačena ako zahtjevi nisu u skladu sa TD-om.

6. Komunikacija između Ugovornog organa i banke:

- 6.1. Cjelokupna komunikacija i razmjena informacija (korespondencija) između Ugovornog organa i banke treba se voditi u pisanoj formi, kao što je definisano u stavu 20. člana 2. Zakona o javnim nabavkama.
- 6.2. Posebno, komunikacija i razmjena informacija će se obavljati poštom. Za korespondenciju se smatra da je dostavljena na vrijeme ako je njen sadržaj stigao do Ugovornog organa 10 (deset) dana prije isteka roka za dostavljanje ponude.
- 6.3. Komunikacija i razmjena informacija (korespondencija) između Ugovornog organa i banke moraju biti napisani na jednom od službenih jezika Bosne i Hercegovine.

7. Pravo učešća:

Pravo učešća u otvorenom postupku imaju svi pravni subjekti koji su registrovani za obavljanje djelatnosti koja je predmet ponude, što dokazuju ovjerenom valjanom dokumentacijom i rješenjem o upisu u sudski registar sa svakim pojedinačno ovjerenim prilogom, osim subjekata koji su isključeni iz prava učešća prema članu 23. Zakona o javnim nabavkama BiH.

8. Obaveze banke:

8.1. Banke su obavezne pripremiti zahtjeve za učešće/ponude u skladu sa kriterijima koji su postavljeni u ovom TD-u. Zahtjevi/ponude koje suštinski nisu u skladu sa ovim TD-om bit će odbačene kao neprihvatljive zbog neispunjavanja postavljenih kriterija.

8.2. Banke snose sve troškove nastale na ime pripreme i dostavljanja svojih zahtjeva/ponuda. Ugovorni organ nije odgovoran ni dužan snositi te troškove.

9. Ponuda treba sadržavati:

9.1. Kvalifikacije:

- a) Obrazac za dostavljanje ponude – usluga (dato u Aneksu 2) treba sadržavati sljedeće:
 - naziv i tačnu adresu banke,
 - kontakt osobu banke: sa jedinstvenim matičnim brojem (JMB), brojem lične/osobne karte (LK), brojem telefona, faks i ako posjeduje e-mail,
 - jedinstveni identifikacioni broj (JIB) i porezni broj ponuđača,
- b) ovjerena Izjava banke o prihvatanju sadržaja tenderske dokumentacije (dato u Aneksu 3),
- c) ovjerena Izjava banke da nema smetnji prema članu 23. Zakona o javnim nabavkama (dato u Aneksu 4).

9.2. U skladu sa članom 23. Zakona, potrebno je dostaviti:

- a) ovjerenu kopiju rješenja o poreznoj registraciji,
- b) uvjerenje da je Banka ispunila obaveze u vezi sa plaćanjem poreza – potvrda porezne uprave,
- c) uvjerenje da Banka nije u postupku stečaja ili likvidacije,
- d) uvjerenje da Banka nije predmet postupka za proglašavanje stečaja ili prisilne likvidacije,
- e) uvjerenje da Banka nije osuđena u sudskom postupku za kršenje zakona u smislu njenog poslovnog ponašanja u periodu od 5 (pet) godina,
- f) uvjerenje da Banka nije proglašena krivom za ozbiljan profesionalni prekršaj od strane nadležnog suda u periodu od 5 (pet) godina,
- g) uvjerenje da je Banka ispunila obaveze glede plaćanja doprinosa za socijalno osiguranje PIO/MIO – potvrda nadležnog organa i zdravstveno osiguranje – potvrda nadležnog organa,

9.3. Ocjena tehničke i profesionalne sposobnosti ponuđača:

- a) ovjerenu kopiju rješenja iz sudskog registra sa svim pojedinačno ovjerenim prilogima iz kojih se vidi da je registrovan za obavljanje djelatnosti koja je predmet javnog natječajja,
- b) Izjavu Banke o prosječnom godišnjem broju zaposlenih i o broju rukovodećeg kadra u posljednje 3 (tri) godine (dato u Aneksu 5),
- c) Listu glavnih usluga pruženih u periodu od 2008. do 2010. godine sa ukupnim vrijednosnim iznosima, datumima i primaocima uz osiguranje dokumenata u formi potvrda o izvršenim uslugama koje su izdali primaoci ili, ako se takve potvrde ne mogu dobiti iz razloga van kontrole pružaoca usluga samo uz izjavu pružaoca usluga o izvršenim uslugama
- d) Ovjerenu kopiju licence Agencije za osiguranje depozita Bosne i Hercegovine
- e) Ovjerenu kopiju dozvole za rad Agencije za bankarstvo Federacije BiH ili Agencije za bankarstvo Republike Srpske

9.4. Ekonomska i finansijska podobnost ponuđača:

- a) bilans stanja, bilans uspjeha za period od 01.01.2009. godine do 31.12.2009.godine,
- b) (član 25. ZJN BiH) ukupni kapital banke za 2009. godinu nije manji od 50.000.000 KM,
- c) (član 25. ZJN BiH) neto dobit banke za 2009. godinu nije manja od 5.000.000 KM.

9.5. Ostala dokumentacija:

- a) Dostaviti obrazac za iznos kamate, potpisan od strane ovlaštene osobe banke i opečaćen, u formi primjera datog u Aneksu 1,
- b) Nacrt ugovora (Aneks 6) koji, nakon što popuni bankina ovlaštena osoba, treba parafirati, i to svaku stranicu i priložiti uz ponudu zajedno s Aneksom 1, koji je naveden u sklopu tačke 10. Uslovi ugovora.
- c) *Opciono je*, ako postoje povjerljivi podaci u ponudi, spisak (popunjeno po šemi datoj u Aneksu 8) informacija koje se smatraju povjerljivim.

NAPOMENA:

Traženu dokumentaciju priložiti u originalu ili ovjerenj fotografiji, ali **ne stariju od 3 (tri) mjeseca**, s tim što moraju biti izdati od strane nadležnog organa BiH.

10. Uslovi ugovora:

- a) Ugovor će biti zasnovan na godišnjem iznosu kamate i kamatnim stopama dostavljenim u ponudi.
- b) Kamatne stope koje navede banka bit će fiksne u periodu realizacije Ugovora i neće se mijenjati.
- c) Trajanje Ugovora je 1 (jedna) godina, počevši od dana potpisivanja Ugovora.
- f) Ugovor sadrži aneks ugovora, i to Aneks 1 – Obrazac za obračun kamate
- g) Nacrt ugovora koji popuni ovlaštena osoba banke treba parafirati, i to svaku stranicu i priložiti ga uz ponudu zajedno sa Aneksima

Uz Obrazac za dostavljanje ponude – usluga, Banka potvrđuje svoju spremnost za zaključivanje ugovora u formi nacрта koje je Ugovorni organ dostavio.

11. Kriterij dodjele ugovora

11.1. Ekonomski najpovoljnija ponuda – najveći godišnji prihod Budžeta institucija BiH po osnovu ostvarene kamate u skladu sa kriterijima iz ove tenderske dokumentacije

Iznos oročenih sredstava kod jedne banke iznosi 20.000.000 KM. Oročavanje će se obavljati prema sljedećoj strukturi i ročnosti:

Period oročavanja	Glavnica (KM)	Godišnja kamatna stopa	Godišnji iznos kamate (glavnica x godišnja kamatna stopa)
60 dana	5.000.000		
90 dana	5.000.000		
180 dana	10.000.000		
UKUPNO	20.000.000	-----	

Ponderisana kamatna stopa = $\Sigma (G_i \times p_i) / 20.000.000 \times 100 = \text{_____}\%$

Kriterij vrednovanja je ukupan iznos kamate na godišnjem nivou, odnosno ponderisana kamatna stopa na navedene iznose i periode izračunata prema sljedećoj formuli:

$$\frac{\Sigma (G_i \times p_i) \times 100}{\Sigma G_i}$$

G_i = iznos depozita po razdobljima

p_i = kamatne stope

11.2. Ocjena ponuda

Banka koja ponudi najviši iznos kamate na godišnjem nivou odnosno najveću ponderisanu kamatnu stopu bit će prvorangirana banka na listi uspješnih ponuđača – banaka.

11.3. Dodjela Ugovora

Prema Odluci broj 01-08-02-1-2523-1/11 od 11.03.2011.godine, koju je donijelo Ministarstvo finansija i trezora Bosne i Hercegovine, ukupno se biraju tri poslovne banke po redosljedu utvrđenom na listi uspješnih ponuđača – banaka.

11.4. Kamatne stope u ponudi

Sve kamatne stope u ponudi moraju biti na 2 (dvije) decimale i izražene na godišnjem nivou.

12. Preferencijalni tretman domaćeg:

Ugovorni organ primjenjuje preferencijalni tretman domaćeg (preferencijalni tretman cijene) iz člana 37. Zakona o javnim nabavkama BiH.

U smislu ove odredbe, domaće ponude su ponude koje dostave banke locirane u BiH uspostavljene u skladu sa zakonom BiH u kojima je najmanje 50% radne snage angažovano iz BiH.

Sa ciljem korištenja preferencijalnog tretmana domaćeg neophodno je da ponuđač dostavi Izjavu o preferencijalnom tretmanu (datu u: Aneks 7) i da je ponuđač registrovan u BiH.

Ako ponuđač ne zadovoljava preferencijalni tretman domaćeg potrebno je dostaviti praznu Izjavu (datu u: Aneks 7)

13. Priprema ponude:

- a) Original i sve kopije ponude trebaju biti otkucane ili napisane čitljivo neizbrisivom tintom. Svi listovi moraju biti čvrsto uvezani, sa označenim stranicama (numerisani). Svi listovi zahtjeva, osim neizmijenjene odštampane literature, trebaju biti parafirani ili potpisani od strane ovlaštene osobe. Sve dopune i izmjene ponude moraju biti čitljive i parafirane od strane ovlaštenih osoba.
- b) Ponuda i svi dokumenti i komunikacija u vezi sa ponudom između Ugovornog organa i banaka moraju biti napisani na jednom od službenih jezika u Bosni i Hercegovini.
- c) Svaka banka može dostaviti samo jednu ponudu.
- d) Povjerljivost podataka bit će u skladu sa članom 9. Zakona o javnim nabavkama BiH. Ukoliko postoje povjerljivi podaci u ponudi, Banka mora napraviti spisak (popunjeno po šemi datoj u Aneksu 8) informacija koje se smatraju povjerljivim.
- e) Banke mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pismenoj formi i o izmjenama i o povlačenju ponude. Na koverti na kojoj se nalazi izjava banaka treba pisati sljedeće: "IZMJENE PONUDE" ili "POVLACENJE PONUDE".

14. Minimalni vremenski period važenja ponude koju je Banka dužna osigurati:

Period važenja ponude je 90 (devedeset) dana od dana otvaranja ponude.

15. Podnošenje ponude:

Ponudu dostaviti u zapečaćenoj koverti lično/osobno ili preporučenom poštom na adresu:

Bosna i Hercegovina, Ministarstvo finansija i trezora , soba 1514

Trg Bosne i Hercegovine 3, 71000 Sarajevo

Na koverti **obavezno naznačiti:**

- "Ponuda za pružanje usluga poslovnih banaka za institucije Bosne i Hercegovine" –
" NE OTVARAJ "

Ako se ponuda dostavlja osobno/lično na gore navedenu adresu, dostaviti u periodu od 9 do 16 sati radnim danom.

U razmatranje se uzimaju ponude koje stignu na naznačenu adresu Ministarstva finansija i trezora najkasnije do 04.05.2011. godine do 16 sati.

Nepotpune i nepravovremene prijave neće se uzimati u razmatranje.

16. Otvaranja ponuda:

Javno otvaranje ponuda obaviti će se 05.05.2011. godine u prostorijama Ministarstva finansija i trezora, sa početkom u 13 sati.

Otvaranju ponuda mogu prisustvovati banke ili njihovi pismeno ovlašteni zastupnici (samo jedan predstavnik).

Banke koje dostave ponudu bit će pismeno obaviještene (faksom ili e-mailom) o eventualnoj promjeni mjesta i datuma otvaranja ponuda.

O rezultatima postupka banke koje dostave ponudu bit će pismeno obaviještene.

17. Razmatranje i procjena ponude:

Ugovorni organ zadržava pravo da u skladu sa članom 35. Zakona, po potrebi, zahtijeva od banaka dodatna pojašnjenja u vezi sa ponudom bez unošenja bilo kakvih izmjena u sadržaj ponude.

Komisija će komparativnom analizom, pridržavajući se propisanih kriterija, utvrditi najpovoljniju ponudu i sukcesivan red ostalih ponuda.

Sadržaj procjene spada u povjerljive informacije i ne može biti dostupan trećim osobama.

18. Ugovor:

Nakon izbora najpovoljnijih banaka i dostavljanja obavještenja o dodjeli ugovora Ugovorni organ će zaključiti ugovore sa bankama koje je ocijenilo kao najpovoljnije.

19. ANEKSI:

Aneks 1: Obrazac za obračun kamate

Aneks 2: Obrazac za dostavljanje ponude – usluga

Aneks 3: Izjava Banke o prihvatanju sadržaja tenderske dokumentacije

Aneks 4: Izjava Banke da nema smetnji prema članu 23. Zakona

Aneks 5: Izjava Banke o prosječnom godišnjem broju zaposlenih i o broju rukovodećeg kadra u posljednje 3 (tri) godine

Aneks 6: Nacrt Ugovora

Aneks 7: Izjava o preferencijalnom tretmanu domaćeg

Aneks 8: Obrazac za povjerljive informacije
(Ako nemate povjerljivih informacija obrazac dostavite prazan)

OBRAZAC ZA OBRAČUN KAMATE

Naziv banke: _____

Ponuda broj: _____

Period oročavanja	Glavnica (KM)	Godišnja kamatna stopa	Godišnji iznos kamate (glavnica x godišnja kamatna stopa)
60 dana	5.000.000		
90 dana	5.000.000		
180 dana	10.000.000		
UKUPNO	20.000.000	-----	

Ukupan godišnji iznos kamate na oročena sredstva _____

Ponderisana kamatna stopa = $\Sigma(\text{Glavnica} \times \text{kamatna stopa}) / 20.000.000 \times 100 = \text{_____}\%$

Potpis banke _____

NAPOMENA:

- Kamatne stope moraju biti na dvije decimale i izražene na godišnjem nivou.

OBRAZAC ZA DOSTAVLJANJE PONUDE – USLUGA**NAZIV UGOVORA:**

Ugovor o Otvorenom postupku javne nabavke usluga – Kratkoročno oročavanje sredstava koja se nalaze na Jedinstvenom računu trezora a koja u datom trenutku nisu potrebna za budžetske namjene.

PONUDA BROJ: _____ / 11

PRIMA: **Bosna i Hercegovina, Ministarstvo finansija i trezora,**
Trg Bosne i Hercegovine 1, 71000 Sarajevo,

DOSTAVIO:

Ime Banke	
Jedinstveni identifikacioni broj (JIB)	
Porezni broj Banke	
Adresa	

OVLAŠTENA OSOBA ISPRED BANKE (za ovu ponudu):

Ime i prezime	
Jedinstveni matični broj (JMB)	
Broje lične/osobne karte (LK)	
Telefon	
Faks	
E-mail	

IZJAVA BANKE

U odgovoru na vaše javno tenderisanje za gore navedeni Ugovor, Mi, dole potpisani, ovim izjavljujemo sljedeće:

1. Pregledali smo i prihvatili u potpunosti sadržaj tenderske dokumentacije
Broj: _____/ 11.
Ovom izjavom prihvaćamo njene odredbe u cijelosti, bez ikakvih rezervi ili ograničenja.
2. Iznos godišnje kamate :
U prilogu Nacrta ugovora nalazi se obrazac za obračun kamate
3. Ova ponuda važi ____ (_____) dana od dana otvaranja ponuda, tj. do _____.2011. godine.
4. Ispunjavamo sve kvalifikacijske uslove koji su pobrojani u dijelu 9. tenderske dokumentacije i ne nalazimo se ni u jednoj situaciji navedenoj u tenderskoj dokumentaciji zbog koje bismo bili isključeni iz učešća. U prilogu se nalaze dokumenti kojima potvrđujemo da su kvalifikacijski uslovi ispunjeni.

Ime i prezime osobe koja je propisno ovlaštena da predstavlja vodeću banku:

Potpis: _____

Mjesto i datum: _____

Pečat banke:

Uz ponudu su dostavljeni sljedeći aneksi:

(Lista aneksa označena rednim brojem i naziv svakog aneksa)

IZJAVA

Ja, dole potpisani, ispred banke _____(u daljnjem tekstu: Banka), izjavljujem pod pravnom, materijalnom i krivičnom odgovornošću kao ovlašteni zastupnik Banke, da navedena Banka nema smetnji prema članu 23. Zakona o javnim nabavkama Bosne i Hercegovine.

(velikim i štampanim slovima ime i prezime
ovlaštene osobe Banke)

POTPIS

IZJAVA

Ja, dole potpisani, ispred banke _____(u daljnjem tekstu Banka), izjavljujem pod pravnom, materijalnom i krivičnom odgovornošću kao ovlašteni zastupnik Banke, da je navedena Banka imala prosječan broj od ____ (_____) zaposlenih u periodu od 2008. do 2010.godine i to ____ (_____) rukovodećeg kadra.

(velikim i štampanim slovima ime i prezime
ovlaštene osobe Banke)

POTPIS

U G O V O R

o javnoj nabavci usluga – oročavanje sredstava koja se nalaze na Jedinstvenom računu trezora a koja u datom trenutku nisu potrebna za budžetske namjene

Zaključen dana _____.____. 2011. godine

I z m e đ u

BOSNA I HERCEGOVINA

Ministarstvo finansija i trezora

Sarajevo, Trg Bosne i Hercegovine br.1

(u daljnjem tekstu: Ugovorni organ), koji zastupa ministar – _____

i

(u daljnjem tekstu: Banka), koju zastupa direktor – _____

Član 1.

Predmet Ugovora je oročenje javnih sredstava koja se nalaze na Jedinstvenom računu trezora a koja nisu u datom trenutku potrebna za budžetske namjene (u daljnjem tekstu: Usluge).

Za navedeni je predmet sproveden otvoreni postupak javne nabavke, a Banka je dostavila ponudu broj: _____ od _____.____.2011. godine, koja odgovara uslovima iz tenderske dokumentacije, na osnovu čega je Banka izabrana da izvrši isporuku Usluga koje su predmet ovog Ugovora a ponuda broj gornji sastavni je dio Ugovora.

Član 2.

Banka se obavezuje da će Ugovornom organu otvoriti bankovne račune na koje će Ugovorni organ uložiti ugovoreni iznos novčanih sredstava na ugovoreni period za koje vrijeme Banka na ta sredstva obračunava kamatu po ugovorenoj stopi.

Po isteku perioda oročenja depozita, Banka će odobriti račun Ugovornog organa za iznos oročenih sredstava uvećan za iznos obračunate kamate.

Član 3.

Banka se obavezuje da će Ugovornom organu u roku od 7 (sedam) dana od dana potpisivanja ugovora dostaviti obavještenje o otvorenim bankovnim računima iz člana 2. ovog Ugovora kao i instrukciju o načinu prenosa sredstava.

Član 4.

Banka se obavezuje da će obavijestiti Ugovorni organ o isteku roka oročavanja 10 dana prije isteka ugovorenog roka oročavanja.

Ako Ugovorni organ ne dostavi promjene u uslovima oročavanja dva radna dana prije isteka depozita, a nakon dostavljenog obavještenja o isteku roka oročavanja, Banka će izvršiti automatsko produžavanje depozita.

Automatsko produžavanje depozita podrazumijeva da će banka na dan isteka prethodnog depozita isti automatski produžiti za identični period.

Član 5.

Iznos depozita koji se automatski produžava bit će jednak zbiru glavnice i obračunate kamate prethodnog depozita.

Kamatna stopa koju Banka obračunava na iznos automatski produženog depozita bit će jednaka ugovorenoj kamatnoj stopi.

Član 6.

Automatski produženi depozit prestaje nakon prijema pisanog zahtjeva Ugovornog organa za raskid automatski produženog depozita.

Zahtjev za raskid automatski produženog depozita Ugovornog organa će dostaviti najmanje dva radna dana prije isteka perioda oročenja.

Član 7.

Oročeni depozit prestaje istekom perioda oročenja ili na osnovu Zahtjeva Ugovornog organa o prekidu oročenja.

Član 8.

Banka se obavezuje da će Ugovornom organu dostaviti dvije vlastite mjenice kao instrument osiguranja deponovanih sredstava.

Član 9.

Banka se obavezuje da će Ugovornom organu nakon svakog isteka perioda oročenja dostaviti izvještaj o stanju na računu.

Član 10.

Sve eventualne sporove proizašle iz izvršavanja, odnosno neizvršavanja prava i obaveza iz ovog Ugovora, ugovorne će strane rješavati sporazumno.

Ukoliko ne bude moguće sporazumno rješavanje nastalih sporova isti će biti riješeni putem Suda Bosne i Hercegovine u Sarajevu.

Član 11.

Ovaj Ugovor stupa na snagu danom potpisivanja od obje ugovorne strane, a primjenjivat će se od dana prenosa sredstava na bankovne račune.

Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

UGOVORNI ORGAN

Ministarstvo finansija i trezora
M i n i s t a r

Broj: _____

Datum _____

BANKA

D i r e k t o r

Broj: _____

Datum _____

IZJAVA

Ja, dole potpisani, ispred ponuđača _____ (u daljnjem tekstu Ponuđač), izjavljujem pod pravnom, materijalnom i krivičnom odgovornošću kao ovlašteni zastupnik Ponuđača, da navedeni Ponuđač od ukupnog broja zaposlenih u BiH ima najmanje 50% radne snage angažovano iz BiH.

(velikim i štampanim slovima ime i prezime
ovlaštene osobe Banke)

POTPIS

